



UNIVERSITÄTS-
BIBLIOTHEK
PADERBORN

Nic. Clenardi Epistolarvm Libri Dvo

Clénard, Nicolas

Antwerpen, 1566

Clenardvs Svo Vasaeo, S. P. D.

[urn:nbn:de:hbz:466:1-70781](#)

C O M M O D I O R mihi erit patria Vasæ, propagandæ linguae Arabicæ, quæm Salmantica. Deinde si vñquā Salmanticæ sum publicè docturus, potius id gratis facturus sum, quæm alligatus Cathedræ.

5 **D E** Ciruelo hominum more suspicatus sum, & ut homo, falsus.

R O G A V I hinc nuper, quid Consiliariis in mentem venisset, quod Cathedram pronunciandam curarint vacuam; credo, inquit quidam, ut ex prouisione aliquo quot haberent ducatos.

10 **D E** Gulielmo meritò times, Venus & vinum vereor ne adolescentem perdant; timeo ne aut suam alat more Salmanticensium, aut si vagetur, morbum contrahat in Hispania Gallicum, aut imprudens implicitur pauperis culæ alicuius nuptiis. Hec non in eum magis quadrant, quæm in quo suis nostrates. Tu qui præsens es eum monet: nihil habeo quod ad eum scribam, salutabis cum è Medina venerit, & meo nomine roges, ut prudenter aliorum exemplis moneatur, ne qui bene artem suam 20 didicerit, alicuius mali confinio tentetur &c.

Itinerarium, ut video, cupis profectionis Braccaren sis, configam præclara nomina, ut delicatissima est illa τευφίστοις, quo res videatur augustior, & Sertorio digna.

25

C L E N A R D V S S V O V A S A E O,
S. P. D.

30 **S**i sum redditurus in Lusitaniam, coram narrabo quæ mihi in hac contigerunt profectione Africana. si minus, & tu & orbis vniuersus disce rem omnē ex epistola quam statui iampridem scribere ad Christianos. Nescio an sufficiet pecunia quam modò attulit Gulielmus: licebit quidem exire Africa, modò Deus permis- 35 rit: at priusquā veniam Granatam, & inde ad vos, grauis restat sumptus. Scripsi ad Principē, quæ mihi Gulielmus narrauit se audisse ex Fogacio: quæ si suis literis

M 4 con-

confirmet, dispiciam de alio vitæ genere. Putasseim non decere conditionem alibi amplecti , propterea quòd causam non haberem cur alienarem me à tali Principe, & statuerā ea pensio ne contentus viuere. quòd si Deus causam offert vt siam ditior, amplectar. De rebus meis , quid fieri velim, scribam epistola proxima . Bene vale, mi Vasæe, cum vniuersa familia. Fesæ v. Augusti, Anno XLI.

GVLIELMVS his diebus grauiter laborauit, alio-
qui fueram eum istuc missurus cum literis . Nunc vbi 10
Deus permiserit, hinc rectà pergemus Garnatam . illic
me seruabo integrum , vsque ad responsum Principis.
Conualuit per Dei gratiam Gulielmus, ipseque, vt pu-
to, ad vos veniet. Multò, mi Vasæe, tolerabilius esset te
istic inter amicos habere aliquot creditores, quām me 15
apud Barbaros rem habere cum foeneratoribus ; non
quòd istius culpam sustineas: sed vellem iam cū Guliel-
mo pecuniam totam mitteres ; qua si caream, forsitan
aliud mihi imminet incommodi, si velis omniū soluere
postremus, quòd sis amicorum primus , & alij interim 20
Gulielmum istic diu detinēt , fortè mihi euenerit quod
nuper; qui si tantum hyeme præsentis habuisssem pecu-
niæ, quantum abste debearem accipere , ante xstatem
fuissem Garnatæ . tum centum aurei poterant efficere,
quod iam vix præstabunt centum millia. Qui peregri- 25
nantur, sæpe in desiderium paruæ summæ , magnarum
rerum momenta coguntur experiri . Quare etiam me-
ritò istic mutuò sumere deberes , ne ego periclitarer
quòd caream meis : quod vbi feceris , tum demum de-
plorabis tuam miseriā , & me accusabis, qui auctorue- 30
rim migrandi è Salmantica . Felicitate abundas Vasæe.
hinc istæ querimonie. quod reliquisti Salmanticæ, quo-
uis recuperes tempore, vel te ipso iudice . quod nactus
eras Braccaræ , & quod nunc tibi datur Eboræ, non pa-
sim omnes assequuntur , et si bene calleant linguam v- 35
tramque . Si sapis , iam res tuas firmis radicibus stabi-
lias , sic etiam vt quoniam Archiepiscopo Eborenſi , tibi
ista

ista sit salua cōditio. Nō enim magis est vitalis Princeps
Henricus, quām fratres cæteri. id si efficere non potes,
si illud magis placet, recurre Salmanticam . sin manes,
conqueri posthac desinas. Ego, vt nosti, dum essem Sal-
manticæ , vltrò nihil de transactis detraxeram , tantum
Victoria mentionem iniecit, pro sua prudentia, tam re-
bus tuis prospiciens, quām semper Vasæi fuerat studio-
sus. Bene vale, mi Vasæe, cum vniuersa familia . Fesæ
XXI. Augusti. Iterum Azilæ è fasciis Chirurgi , XVIII.
10 Septembri.

CLENARDVS SVO COELIO,

S. D. P.

PRIDIE Regalium factus in coena sic satis hilaris, &
ferias præcidaneas more Belgico celebrās, protinus
vbi mensa sublata fuisset , Clenardus tuus insanire cœ-
pit, effusosque subito versiculos, heri ad nostrum misit
20 Resendum. Nam & ipsi quoque partem furoris acce-
ptam fero non minus quām tibi . Cæterū cùm mihi
in mentem venisset, quām facerem indecorè, qui studiis
seuerioribus occupatus , vel meminisse quidem nu-
garum , qui fermè à poculis aut per viam poëtari con-
25 siveueram semper , hesternum diem peracto prandio
totum dedi vatibus, & quantum irasci potui, Iambis in
vos inuestus sum , & tanquam extremum vale Poëtis
dixi: sed ita vt illis cruces & exitium imprecarer, qui me
sic desipere cogerent. At hodie quòd me morsicans fri-
30 gus lecto diutius solito detineret , memor carminis q
inchoatum tibi recitaueram nudiustertius , rursum ad
ingenium nugax redactus sum , & priusquam lumen
poscerem, conabar inceptis Lyricis versiculis impone-
re coronidem . Accipe igitur , mi Cœli , inelabora-
35 tum lusum, non ad lucernam, sed ad tenebrosam incu-
dem redditū. Scis enim iam, per iocum me ista vestra-
tia, & non seriò tractare.

M 5 ODE